

瓊山縣志卷之十二

黎防志

黎瓊心腹地為黎盤踞有生熟二種叛服靡常故撫剿並行置法宜審遠自隋唐近在 今日 疊端覆轍相尋不已撫御之不可不得其道也因臚列於篇以者殷鑒

瓊地有黎毋山諸黎環居其下不供賦役者名生黎質直獷悍不受欺觸不服王化亦不出為人患足跡不履民地惟與其類自相讎鬪間有患及州縣居民者以熟黎為之援也以木為弓以竹為弦鐵鏃無羽出入不釋手以標刀為戈以角為甲器用土釜瓠瓢飲惟椰酒以擊鼓為樂以射獵為生以刻箭結繩為信誓以割雞為問

瓊山縣志卷十二

黎

卜俗重複讎有殺其父祖及鄉人者累世必圖報復地產沉香及翠羽黃臘之屬結茅為屋形如覆盆上以居人下畜牛豕衣用布縫如單被或織吉貝為之前後下垂無袖穴其中央以頭貫之下體為裙濶不過尺長不掩膝椎髻跌足插銀銅釵花幔纏頭戴藤六角帽婦人高髻釵上加銅環耳環垂肩衣裙皆五色吉貝裙曰黎補不知着禪女子將嫁夫家頒至涅面之式女家大會親屬以針筆涅女面為極細蟲蛾花卉謂之繡面女親死不哭不飲惟食生牛肉以為哀痛之至刻圓木為棺葬則舁櫬而行令一

人前導以雞卵擲地卵不破處爲吉穴外人欲入其地必請熟黎爲導與貿易不欺亦不受人欺商人信則相與如至親借貸不吝或負者見其鄉人卽擒之以爲質枷以橫木必負者來償始釋凡負綫一緡歲必加倍至十倍乃止以上生黎熟黎舊傳本南恩藤梧高化諸州人多王符兩姓其先世因從征至此利其山水田地竄入其間創爲村崗以先入者爲崗首同入共力者爲頭目父死子繼夫亡婦主亦多閩廣亡命雜居其中然言語仍各因其所自來未盡變也有納糧當差之崗有納糧不當差之崗性習獷橫不問

瓊山縣志 卷十二

黎

二

親疎一語不合卽持弓刀相向其妻當中一過卽解坐無尊卑病則槌牛祀鬼喪葬必解牛享客春則鞦韆會鄰崗男女妝飾來遊攜手並肩歡歌互答名曰作劇有乘時爲婚合者父母率從無禁婚姻不避同姓近生黎者習俗同生黎近民居者同民常因爭忿起釁屠牛聚衆構生黎以爲州縣之患以上熟黎

按黎分生熟二種生黎雖獷悍不服王化亦不出爲民害爲民害者惟熟黎初皆閩商蕩貨亡命及本省土人貪其水土據其膏腴本夏也而夷之間有名爲貿易圖其香物實爲主謀誘以叛

亂以至憑陵猖獗吁此古今黎禍之媒藁亦古
今之通患也 舊志

卷十二

黎

三

諸崗村

黎

縣屬黎東曰清水崗嘉靖二十一年編為東黎都
今改開文立里甲編差南曰南岐南椰南墟環
琅南坤居采嶺平沙灣居碌居林九崗俱編為
西黎都但居采數崗尚稱生熟黎叛服不常今
惟南黎五崗并林灣編差

縣屬諸黎村崗凡一百二十有六

居碌 居林 居碌南廩村 牛皮三家 家
品 新芋 加卵 新寨 加西抵灰下 死
蛇 南吉平兆 南蛇 籬竹 南記 黃綠

瓊山縣志 卷十二

黎

四

林雷 燒鹿周敦 灣頭 三家 苓芋 水

尾 加地 加莫典 平丟 嶺倍 上下沿

崗 南細 加林 黃昏 三家 孫喝 始

社大社 番陀 包沒 低灰 長秀 多雷

黎東 勘寨 黑灣 鹿壯 南盈 南犀

南岐 盤答 南墟 居敦 居敦居丁

下水坡 大嶺 南般 盧迺田頭 黎瓊

籐寨 南坤崗 南蛇 白頭迺遠 塘心

居完 頭平崗 嶺平崗 荔枝 陶良 黃

坭 莫村 茅坡 白嶺 水綿根 番錯

尋村 大塘 水械根 埔嶺 羅村 山田

南敲多加	馮家丁寨	周村	多剝	李瓜
黃家大崗	<small>通志</small>			
六窩	山口	山深	坡尾	黃竹
岑村				
黑芋	江邊加般	深梵	番欠	居癸
山口	張村	大木根	加凱	宋寨
胡換				
龍天	石化	鴨塘	嶺上	水泡白石
張村				
沙坡	檻埔	龍教	獨田	曹村
東衙				
榔扶南	鴨塘	篤牛	瓦屋	石井
藤村				
貓舌	北岸	苦藤	沙件	漚鐵
荔枝				

瓊山縣志 卷十二

海黎五

五

縣城南二百四十五里至水尾汎稍西四十里入

熟黎境五十里入生黎境查縣屬現有生黎崗
 四熟黎崗二廣袤共二百餘里自汎西一百六
 十里與臨高南豐市黎地通西南一百七十里
 與儋州志侵黎村通正南二百七十里與崖州
 樂安司城通中惟鳥道一綫最險要詳見東四
 十里接定安五指山黎界向設崗長一名統轄
 五崗黎總一名哨管七名共轄生熟黎村二百
 一十八村
 軍屯外崗崗長一名哨管一名管熟黎村七十有

八

南狗 老村 石欄 新興 番總 水尾

乾冲 飛嶺 坡西 南結上 南結以上

大塘 坡芋水舖上 坡芋水舖下 紅樂坡

包密頭下溪 加來 坡角 門舖 添新

白灘 官灣 新村溪舖 牛欄園 屋代

厚皮田 棋榔根 嶺平上 嶺平下 料

芋 哨官 灣頭 麻魚羅 南里 南理舖

芽坡 芽橋 空羅園 水上 大塘外

松嶺外 松嶺內 來道 田排 加旨上

加旨下 兵謨 合口 加林外 加林內

番審上 番審下 合究上 合究下 上墩

下墩 羅買 從分 大水 大中 顯

瓊山縣志 卷十二

黎 六

加啼 缺爐 門頭樣 高田 大坡 長安

坡 大蛇 大邊 安平 大邊下 加敬住

針嶺苗人住上 針嶺苗人住下 番否苗

人住 水上上苗人住 水上下苗人住 黃

疆郎住以上 新村

大水上崗黎總一人管轄生黎凡四十有二村

孔牌 福道 福門 元滿上 元滿下 元

滿外 元滿內 下龍 上龍 加挖 紅茂

上 紅茂下以上 老村

山琦溝 加走舖 福海 呀舖 番煙 對

我 狗革 海夢 芳平 那旺 呀英 空

弄 高灘內 高灘外 高灘上 官案上

官案下 官案內 呀菜 坡黎 打同 荔

枝嶺 呀笔 呀愷 海打 雍 紅崙

下民 福千 紅茂以上新村

大水下崗黎總一人管轄生黎凡三十有六村

番崙 番打上 番打下 番獻 打

羊 大寒 打凱 番否以上老村

番崙新村 黎插上 黎插下 青灣 南管

前呀上 前呀下 呀芒 番呀 呀康

南迺 南哂 那九 打空 弓排 呀類

福開 坡喇 那芳 至道 喃頭 山村

瓊山縣志 卷十二

况龍 打青香 芬香 曠馬 至浸以上新村

小水上崗黎總一人管轄生黎凡三十有五村

番好 呀講 那任下 那任上 那辨 呀

車 坡好以上老村

羅帥上 羅帥下 志斬 方亮 打坡階

喃晚 喃晚上 喃晚下 加欖 貪貝 至

閩 喃戌 師打 南奈 加東 坡港 坡

乾 黎班上 黎班下 坡生 三腳 番香

呀講 呀和 荔輝上 荔輝下 荔徐上

荔徐下以上新村

小水下崗黎總一人管轄生黎凡二十有七村

黎婁上 黎婁下 黎婁內 黎婁外 志考

蔡打 番呀 吳棒以上老村

南萬 南茂 紅排 喃崙 坡春上 坡春下

呀無內外 那查 鹿母灣 坡道 至稿 芬

甚 番呀 至猿上 至猿下 吳捧上 吳捧

下 番即以上新村

新采訪黎嵩諸村

大水上崗黎總一人管轄生黎凡四十一村

孔牌 福門 福道 加控 紅茂 上龍 下

龍 山琦溝 加走舖 呀舖 番煙 福海

狗革 海夢 芳平 對我 那旺 呀英 空

瓊山縣志

卷十二

黎

八

弄 高灘內 高灘外 高灘仔 加案上 加

案下 加案內 呀菜 坡黎 打同 荔枝嶺

呀笔 海打 雍新 紅崙 下民 福干

呀以上老村 九格 南粘 投軍 艾吳 艾漏

白出崗即大水下崗黎總一人管轄生黎凡三十二

村

艾鈔市 那甘 打羊 大寒 打凱 青灣

南管 黎插上 黎插下 前呀上 前呀下

呀芒 番呀 呀康 南迺 南咻 那丸 打

空 弓排 呀類 福開 坡喇 那芳 至道

南現 山村 况龍 打青香 芬香 曠馬

至浸 風清崗

小水上崗即元滿崗黎總一人管轄生黎凡二十村

元滿上 元滿下 元滿內 元滿外 合日

呀講 那任 番好 那任下 那辦 呀專

坡好 紅茂上 加攬 貪貝 至閣 志斬

方亮 打坡階 黎班上

小水下崗黎總一人管轄生黎凡四十五村

那帥上 那帥下 白水簡 南萬 番崙 番

落 番打 打雅 坡春 黎雙 南茂 師打

南奈 加東 坡港 坡乾 黎班下 坡生

三脚 番香 呀講 呀和 荔輝上 荔輝

山縣志

卷十二

黎

九

下 至考 蔡打 番呀 吳俸 黎雙內 南

茂 紅排 南崙 那查 鹿母灣 坡道 至

稿 芬甚 番呀 至猿 番叩 鑿味 從看

番善 羅存 番雅

按舊志大水上崗四十二村今採訪四十一村無紅

茂上下二村紅茂上村今採訪屬小大上崗而元滿上下內外四村

又屬小水上崗與舊志不符新查出九格南粘投軍

艾吳艾滿五村為舊志所未有大水下崗三十六村

今採訪二十二村舊志有番崙番打今採訪屬小水下崗番獻

番否番崙新村今採訪無之而有新查出之艾鈔與

清風崗舊志小水上崗三十五村今採訪二十村而

羅帥

帥即那

南成師打南奈加東坡港坡乾黎班下坡

生三脚番香呀講呀和药輝上下諸村皆屬小水下

崗药徐上下二村亦無之至小水下崗舊志二十七

村今采訪四十五村以羅帥諸村屬下崗新查出白

水簡南萬番薄打雅鎗咪從看番善羅存番雅九村

蓋今采訪王國儒世居水尾留心黎防其調查必實

視舊志又加詳謹參校以證明之俾後之撫黎者知

所從事焉

采訪冊

按舊志村崗止載數處通志詳記各土名均未分別

註明某崗轄某村若干緣生黎生峻穴居野處不成

村落熟黎亦遷徙不常或黎語有音無字水土極惡

瓊山縣志

卷十一

黎

十

漢人所不能至徒得之熟黎之所傳聞恐多參差即

如各州縣志有數十年之舊本通志則道光二年新

修所載村崗名今昔懸殊名目迥異今閱十六七年

又傳易舊名蓋有土音相近字畫相似因而傳訛者

有名仍舊而地實非者有一村分而為數村數村合

為一村名已改而地則仍舊者其更移之跡無可確

查此次查勘止就人跡可至之處考其方向道里土

名四至並黎與黎交通處一一詳載生黎訪未確實

者不敢為臆度之詞蓋臺釐千里竊恐貽誤將來故

現載村崗名目與通志今昔不同其生熟村崗或有

未備茲取通志舊府志所載村崗名仍列於前各州

縣志大同小異者不錄而現勘各村名道路附紀於後以備查考其互相差異者不敢強為牽合欲求徵信也

張志

論曰黎岡內抵五指外界州縣自梁馮洗氏收降下餘岡唐採訪使諭五州首領親詣其境則當時通道之遠可知宋末武畧不競豺虎梗道迨明初天戈所擣直欲徑穿五指瓊邁洞落多列編民獨崖儋諸黎盤踞如故其故何哉蓋自永樂以來以撫黎職之士人借撫為名實以肆虐遂致南蛇之亂崖州舊圖分轄起於土舍之奸

如附郭董平三圖為黎刑陳三土舍分管

故梁之崖州

隋之延德唐之洛陽落屯縣宋之盛德堂諸基今皆

瓊山縣志

卷十一

黎

又

沒於黎岡念王土者未嘗不披輿圖而抱恨也洪武時指揮張庸繼欲開五指縱橫之路及邵宗李貴之徒亦屢長慮成化時副使涂棗注意尤殷使後居其位者以前人之心為心寢食在念則昔之書村書崗者今皆為都為圖矣天順間感恩令羅鉉賣黎圖於土舍莫鑑弘治末備兵使者

副使王

貪賂邀功賣久化

之編圖於負固之士孽致啟後來諸黎之尾大吁可

慨也

舊志

黎

黎崗關隘

水尾巡司在縣西南二百四十五里雍正八年設

水尾汛鎮標右營派防把總一員兵四十名為

防黎要汛舊志有石山巡司在縣南七十里明

洪武中置今裁大清一統志縣志有感恩英田二柵

在縣西北十里明洪武間設方輿紀要有居缺

洞在府西界又云縣有九崗而居野居缺為最

大周百二十里今查縣境二柵已廢亦無居野

居缺二崗名阮通志

榮木山門在水尾柵西南四十里為南黎西黎五

瓊山縣志卷十二

黎

十一

崗出入總路西通儋臨東接定安兩山對峙若

門戶倘遇行兵宜於此地守險設伏扼其咽喉

與水尾柵互相聲援張志

紅茂生黎村在縣南三百一十里距水尾柵二百

七十里東通定安紅毛崗西通儋州龍頭等崗

南通崖州樂安城北即五指山麓民人罕至其

地若於此村開山鑿路南北不過百餘里東西

三五十里便得直捷而十字之形成矣同上

水會寨在縣西南三百里明初建立大波寨防守

居礫居林沙灣三崗萬曆二十八年設水會守

禦千戶所於水蕉村築城設參將鎮守城大清一統

志考其地當在今瓊山定安之間明兵備林如楚議開十字路謂此城東達萬陵西通儋感南出瓊定已成丁字之形今查城久圯廢故址猶可訪尋惟東西二路並無直徑可通儋感萬陵或當時初開有徑尋就湮沒據今地勢則不若紅茂村爲適中要道開十字路於此更近

金拋嶺在水尾柵東三十里

加潘嶺在水尾南七十里

五指山在水尾南七十里

員滿嶺在柵南三十里

那辨嶺在柵西南二百二十里

瓊山縣志

卷十二

黎

三

紅茂嶺在柵西南二百七十里

管門嶺大山嶺在柵西四十餘里

以上諸山皆生熟居之

插旗嶺至合嶺在柵西三十餘里

高山嶺在柵西南一百二十里

以上諸山皆熟黎居之

水道三俱發源於五指山一由定安入本縣境爲

北冲河一出儋州一經澄邁臨高入海

俱同上

黎

撫黎黎叛服不在瓊山境者不錄 吳 梁 陳 隋 唐

吳

吳大帝欲遣偏師取諸州及珠崖以咨陸遜遜上

疏止蕭志

梁陳隋

譙國夫人馮洗氏世為南越首領壓服諸越收降

儋耳歸附者千餘崗詳名

唐

中宗時宋慶禮為嶺南採訪使時崖振等五州首

領更相劫掠民苦於兵使者多畏炎瘴不敢深

瓊山縣志 卷十二

黎

十三

入慶禮身臨其境諭以大義皆釋仇相親郝通志

宋

太平興國三年李崇矩為瓊崖儋萬四州都巡檢

使黎賊出擾崇矩抵其洞穴撫慰以已財遺之

衆皆懷附宋史本傳

至和中有黎人符護者邊吏嘗獲其婦婢十人還

之符護亦嘗犯邊執崖州或作儋州巡檢慕容允則

及軍士至是以軍士五十六人與允則來歸允

則道病死詔軍士至者貸其罪參通志

熙寧九年七月珠崖軍黎賊黃嬰作亂詔廣南西

路嚴兵備之通志

乾道二年從廣西經畧轉運司議詔海南諸郡守
俸慰撫黎人示以朝廷恩信俾歸我省地與之
更始其先逃居黎崗能來歸者免其逋賦復其
租

五年詔守俸能慰安黎人收復省地者量功立
賞其任內有侵犯省地失地及民者亦有重罰
淳熙元年十月五指山生黎崗首王仲期率其傍
十崗丁口千八百二十人歸化仲期與諸崗首
王仲文等八十二人詣瓊管司顯應廟斫石歃
血約誓改過不復抄掠犒賜遣歸瓊守圖其形
狀衣製上經畧司

阮通志

黎

十四

瓊山縣志

卷十二

八年詔三十六崗都統領王氏女封宜人初王
氏居化外累世立功邊陲皆受封爵紹興間瓊
山民許益爲亂王母黃氏撫諭諸崗無敢從亂
者以功封宜人至是黃氏年老無子請以女襲
封詔從之

嘉定九年詔宜人女吳氏襲封統領三十六崗是
年管帥韓璧出入阡陌勞來不倦期年化成黎
人感慕願供田稅

慶元初通判劉漢修崇郡學講明道義激勸生徒
延師訓導黎獠亦遣子就學衣冠被服如制踵
至者十餘人

同

元

皇慶元年黎賊嘯聚為亂遣官招諭之

仁宗紀

至元十六年朱國寶為海南四州宣慰使訓兵息

民黎人降者三千戶蠻峒降者三十所十八年

招降居亥番毫銅鼓博吐桐油等十九峒

參通志

天曆二年生黎叛服不常海北海南道宣慰使按

攤威望素著生黎王高等二十餘峒皆願輸貢

稅

元統二年十月湖廣行省咨海南僻在極邊南接

占城西連交趾環四千餘里中盤百峒黎獠雜

居宜立萬戶府以鎮之中書省奏准依廣西屯

瓊山縣志

卷十二

黎

十五

田萬戶府例置黎兵萬戶府

明

永樂三年潘隆引土人邢萬勝等赴京同領勅招

撫勅諭曰朕奉天明命嗣守太祖皇帝洪業四

方萬國悉來朝貢尚念爾等以蕞爾之地遠處

海南州郡之中仰慕聲教蓋亦有年第因有司

不能招撫無由自達今特遣知府

府志作縣

潘隆土

人邢萬勝陳胤

府志作應

符添成蒲幹符添慶

王歪頭齋勅往諭爾等體朕廣愛之心共相議

讓數人同使臣來朝朕即頒給賞賜俾歸田里

以安爾眾使爾子子孫孫永享太平之福故諭

四年復勅諭南岐都黎首陳忠等論曰恁每都是好百姓比先只爲軍衛有司官吏不才苦害恁上頭恁每害怕了不肯出來如今聽得朝廷差人來招諭便都一心向化出來朝見都賞賜了回去今後恁村崗人民都不要供應差撥從便安心樂業享太平的福但是軍衛有司官吏軍民人等非法生事擾害恁的便將着這勅諭直到京城來說我將大法度治他故諭

二月生黎崗首羅顯許志廣陳忠等三十人來朝仍授顯等知縣縣丞巡檢等官賜冠帶鈔幣遣還初以生黎未向化遣通判劉銘齋詔招撫

瓊山縣志

卷十二

黎

六

自是諸黎感悅相繼來歸遂授銘瓊州府知府專職撫黎仍勅陳忠等歸諭村崗人民免其供應差撥夏四月瓊山臨高諸縣生黎崗首王罰鍾異王琳等來朝

命罰等爲王簿巡檢賜冠帶鈔幣

六年春二月撫黎知府劉銘率生黎崗首王賢祐王惠王存禮來朝貢馬

十一年春正月東洋都民周孔珠招諭包黎等村黎人王觀巧等二百三十餘戶願附籍爲民從之秋七月黎首王聚符喜等來朝

十三年二月瓊州府生黎首羅廣壽等來朝

屬歸附凡三百三十七戶七百五十九口賜廣壽鈔幣有差

二十一年瓊州府土官縣丞符添慶等率諸黎

嵩首來貢方物

賜幣帛有差

宣德四年以嵩黎多侵擾革去撫黎流官

正統五年知府程瑩奏革撫黎土官黎人自是總

歸府轄民黎稱便

成化二十二年通判丘端同指揮李泰招撫加凌

等村黎那允等一百四十四村向化

嘉靖二年已殺賊符南蛇其從子崇仁文龍卓立

讎殺諸黎副使胡訓命州同顧玠撫之時以玠

撫黎有功陞秩二級

萬曆十九年居碌等嵩黎叛通判劉世懋單騎深

瓊山縣志

卷十二

黎

十七

入招撫諸酋悉服兵巡孫秉陽上其功於撫院

請於朝特降印一顆使得便宜經畧督捕廳兼

撫黎自懋始

三十一年以瓊黎黎馬矢平後請設撫黎通判

一員專管黎務

清

雍正八年番否等處十八村生黎符天福等輸誠

向化願入版圖每丁年納銀二分二厘以供賦

役

俱蕭志

嘉慶二十年番崙村已革黎總符克先作亂遂糾

生熟黎數百人掠附近黎村漸擾入儋境馮墟

崗黎總符功保率良黎禦之克先中矢死其黨亦爲兵勇擊敗黎匪復聚衆肆掠林灣加祿諸村知縣萬鼎琛會知儋州言尙燁督兵深入黎境撫諭防堵嚴密賊無由出掠又聞大兵且至各匿深山中乃命符功保及林灣崗長鄧魁星等各率本崗黎守望相助更令諸酋公舉誠實公正黎人充大小水崗總管約束散黎無許滋事黎患初息

張志

光緒五年萬州黎賊陳忠清忠明紅香等數千人作亂瓊定澄臨地方十一年擾出定安南關賊敗官軍搶掠瓊山南坤圖住紮加覽村鄉團王定三等

瓊山縣志

卷十二

黎

十八

與戰不勝死者十餘人後大兵征勦其患始息

册

黎

平黎

漢

唐

宋

元

明

清

漢

武帝末黎蠻攻郡殺大守孫幸幸子豹率眾討平

之

黃通志

遣使封還印綬上書言狀制詔以豹為

珠崖太守

後漢書南蠻傳

唐

乾封二年洞獠陷瓊州東南諸鄉盡沒至德宗貞

元庚午凡一百二十四年嶺南節度使李復統

兵收復

阮通志

德宗時珠崖

即今瓊山東南境

黎民三世保險不賓遣嶺

瓊山縣志

卷十二

黎

九

南節度使杜佑討平之

咸通五年命辛傅李趙四將部兵擒黎嶠蔣璘等

於瓊山南境

今定安西南嶠

置忠州今廢

宋

咸淳六年春瓊黎犯邊以欽守馬成旺征之成旺

與子撫機開闕數十戰恢擴地方乃命撫機顯

筦寄截黎出入諸嶠始不敢肆

嘉定初逆黎王居起倡亂屢撫屢叛紹定四年居

起復大八寇僭號南王殘害州邑郡城晝閉事

聞遣將討之明年夏居起傳首餘黨悉平

參蕭志

元

至元十八年本路安撫使陳仲達請闕陳平黎策授海北海南道宣慰都司元帥命同廉希恕等將蒙古漢軍順化軍七千二百人益以民兵一萬四千收諸黎仲達病卒湖廣行省平章濶里吉思以分省督師命仲達子謙亨領萬戶總諸道以副元帥王信伯顏於思萬戶教化孫韓旺楊慶祖副使林應瑞副萬戶秦彪千戶蔡有閻鎮撫高佑廣西宣慰楊廷璧等分兵統剿二十一年七月被召還朝乃以餘賊付都元帥朱斌斌統兵深入人跡不到之處黎巢盡空明年甲午春刻石五指黎黎而還凡三歷年剿平各州縣

瓊山縣志

卷十二

黎

三

清水等崗誅符十九等渠魁降附者不可勝數得崗六百戶口二萬三千八百二十七招收戶口一萬三千四百九十七從省幕烏古孫澤議立寨學訓諭諸崗奏置屯田府立定安會同二縣萬全一寨陳國賢有平黎記

唐胄論曰是役也自開郡以來所有然計其兵僅二萬一千二百人計時雖二十六月然實用兵纔十三關月耳專擣蠹醜已無遺穴人言瓊黎黨渙易制信然使繼制之以良材則瓊今日尚有黎乎奈何以統制付之鴛鴦土人僅數年間餘黨王文河王應加復起釀成至順之禍先

沿亂以俟元亡痛哉史世祖本紀載命廉希烈
別十八里符兵同征而舊志及碑文皆不及豈
非以他故不果來將陳仲達在道之請而速督
之濶里吉思歟

天曆初黎賊招亡爲亂主簿譚汝楫請兵討之

按天曆初瓊山黎多招引亡命爲鄉導時行出
劫主簿譚汝楫請於太府歛鄉民得五千人討
之軍次居野崗有賊二千突出欲戰以方樹柵
令士卒皆解鞍繼馬卧賊疑不敢進乃引去遣
兵五百乘之賊伏發遮其後復遣千人救之弗
能前乃自以兵擊走賊拔出其中射中其酋腹

瓊山縣志

卷十三

黎

三

賊遂退復征近地兵萬五千人賊有九崗而居
野居中爲最大周回乙百二十里草木蒙密不
可入汝楫先合萬人除道周其山幕復以萬二
千人銜枚圍之夜樹柵三重爲壁壁外有竹樹
以防奔突內五步編竹爲屏伏卒以辟流矢明
日出萬人赭其山布陳以待漸移柵近之十日
圍逼居野止三十里八洞之蠻入據之復益柵
數十重以守賊窮蹙不知爲計乃縱兵夷之得
其首六十一人以歸

天下郡國利病
書卷一百四

至順元年王官福等復寇乾寧界譚汝楫與萬戶
劉成分守之賊復寇石山等處汝楫與子康

蕭康

志作力戰康遇害澄邁王六具與其徒王吾數

千人寇臨高逼南寧軍判羅伯龍率義兵誅之

王官福復由東入寇汝楫渡江出救與守將設

計大敗賊黨

俱蕭志

二年賊王周糾率十九崗黎二萬餘人作亂命

調廣東福建兵隸湖廣行省左丞移刺四奴統

率討捕之

張志

元統元年詔行參知政事完澤會諸道兵進討瓊

黎自至順元年以來東西諸黎皆亂二年乃命

湖廣行省右丞劉耳刺領江西湖廣二省兵復

調廣東福建兵共討之耳刺未幾卒乃命完澤

瓊山縣志

卷十二

黎

三

督兵進討譚汝楫請先死戰以絕其根株澤因

其下受賊金以間竟納降而歸

參通志

明

洪武二年永嘉侯朱亮祖威聲所至黎首吉天章

等奔走聽命而瓊之黎首符進福等猶據險要

不時竊發廣東都司及海南衛官領軍收捕之

通志

宏治十五年十二月黎賊符南蛇作亂都指揮僉

事湛鉞禦之殺賊無算軍聲大振未幾鉞卒賊

復肆郡邑戒嚴征徭將軍伏羌伯毛銳始以兩

廣總兵統官軍土兵十萬同參將馬澄等分軍

進剿破其中堅南蛇獨擁精銳拒敵指揮周遠督家人周賀周紀奮戰斬賊先鋒二人賊大敗南蛇中箭赴水死官軍入據七方尚餘黨以次

削平

蕭志

嘉靖十三年沙灣居林渠賊黎佛二叛劫營殺死典史千百戶各一員知府蕭晚謀於兵備遊璉令經歷顏吉縣丞高明督土舍許丞宣招降劫賊出掠者皆至晚厚賞授以方畧俾誘渠賊設伏擒之璉遂督指揮王守臣集兵分哨抵其巢羣賊皆遁

萬曆二十五年黎賊黎福黎廣反殺掠南路官口

瓊山縣志

卷十二

黎

三

地知縣楊譽設伏拒之不勝民壯李冠正岑世隆戰死

二十六年居林居碌崙黎反劫掠爲害帶管本道參政王民順遣指揮牛政協同本府監軍推官吳洪績帶管撫黎同知經仁本統兵入剿授以方畧擒獲居碌賊首黎坤和解報

俱同上

二十七年居林等崙黎首馬矢倡亂擄掠婦女定安臨高諸黎尙應之勢甚猖獗郡守李多見誓志滅賊同攝理道事余夢鯉申請兵征剿部院隨委雷瓊二府同知萬煜經仁本監軍檄雷廉副總兵黎國耀東山遊擊鄧鍾瓊崖參將莊

渭陽率兵三路進攻李郡守復召募鄉勇黎兵三百餘名以生員王觀梅等帶入水蕉村應援鄧鍾等分兵三路進剿指揮趙孟麟窮追馬矢至乾脚岐界擒獲其黨王蓋老等及馬矢妻屬解軍門斬之黎悉平續奉本道程有守詳議設水會所於馬矢巢穴即水蕉村委指揮趙孟麟牛政築城置參將府調千戶一員撥各所軍三百名守禦置屯田按黎馬矢之亂初劫定安龍塘村吳氏女入尚致官兵進剿以熟黎誘之始釋吳女歸副總兵黎國權帶兵突進破寇劫營潰散而出繼動大兵協剿始獲首從平之安插黎材今併居林居碌沙灣等崗為都畝納糧編差附近黎民始有寧宇論曰黎岐為郡邑害自昔已然最跳梁者無如

瓊山縣志

卷十二

黎

三

抱由羅活物衆地大孽芽其間自擅不討之日久矣連年動師無能拓侵地之咫尺豈黎獷悍難馴抑安攘者不得其道與頃者二崗煽亂虔劉我圉甲寅之役一舉而犁其穴俘其人籍其田城其地諸崗罔不革面向風頗有成效矣舊志

清

順治六年黎賊馬澄根李花臉出掠瓊澄定等縣十一月知府梅南遠帥兵攻之馬澄根走免時瓊州初定前明將吏借監國遺號復叛據郡城諸州縣多從亂黎海劇寇乘間竊發明年曹君輔復反其子宏九被獲伏誅參舊志張志

九年八月官兵渡瓊恢復郡城參將馬正龍以兵平各縣諸黎

康熙十六年黎首那又那頃集黨圍城屠村蹂躪州縣瓊山西南受害尤甚十七年僉事范養民命本邑舉人梁際運領鄉兵進剿擒殺賊黨鄭梁等數十人又頃勢窮就撫安插漏網韓有獻即楊鬍子走匿二十年勾通海寇楊二謝昌攻海口城水師守備黃世賢開城門迎之又導賊黨搜括村莊子女財物罄盡殺戮最慘三月十五日順德總鎮蔡璋虎門副將張瑜帶領舟師赴援賊敗遯去茅向榮等未歸船者隨番崙番獻等

瓊山縣志 卷十二

黎

十四

入黎屯據四月瓊州鎮佟國卿親統大軍命遊擊陳國璽董三策從西黎進至白石嶺連破十五寨戮以千計救回被難男婦千餘人茅向榮劉定國窮促歸順國璽又破賊於羣信營番崙番獻走免董三策築壘黃竹從南黎進攻二十一年副使程憲郡守佟湘年招出酋長符乾定譚名顯王外類等而番崙及曾莫相餘黨百餘人無可倚附亦赴郡投誠給賞歸籍獨酋首韓有獻屢招不服二十二年副使程憲入 覲瓊鎮劉成龍謀於護理道事佟湘年復命舉人梁際運兼差熟識有獻之符乾定進招有獻出郡

歸誠 舊志

二十五年丙寅喃嘮陶家墜諸酋王乾雄等又出劫定安樂會二縣地方擄掠男婦瓊鎮吳啟爵副使程憲遣人招撫始釋攜民歸事平因議復設水會所新關坡定樂諸新舊營設兵屯要隘以防黎患 同上

二十八年三月黎酋王國臣梁聖奇焚劫鄉村殺擄男婦總鎮吳啟爵統兵進剿先攻喃嘮崗斬賊首王乾雄王文成等三十五人招出餘黨那柳等四百餘名次攻陶家墜斬賊酋王國臣陳晉等三十二人擒餘黨二百餘人救回被擄

瓊山縣志

卷十二

黎

三五

一十三口振旅而還本年八月復有生黎母葵母贊等反聲言報仇復領兵破之殺十數賊諸黎酋以次輸誠共招撫生黎一十七崗總鎮吳兩番深入黎崗悉其情形呈請督院願領本標官兵自裏行糧畧定黎地順撫逆剿一二年間可以廓清全瓊聽朝廷設立州縣爲久安長治之計以議非萬全而止乃爲善後之策開十字路以直通諸州縣於民黎交錯處瓊山設水尾營定安設太平營崖州設薄沙營陵水設寶停營三十八年十二月指馬崗黎首王振邦殺巡哨兵十二人爲亂各崗黎首王益東王思義等

聚眾應之撫黎同知何斌誤墮賊計堅執招撫土棍借招撫出入黎山潛通消息致官兵進退失措三十九年十月總鎮唐光堯統兵由定安縣新關北路崗口進巢又分兵三路由儋葛崖三州崗口夾攻不十日振邦窮促就擒題請梟示諸黎帖服

參舊志
張志

宣統三年十一月間客匪首亞五黎匪首科發等糾

集黎客各匪千餘人聚在西溪一帶之三港合口加祿口紅花肚加冬朗風流村等處此月十五日拿王天運到加祿口村宰殺祭旗十六日焚劫周朝地方槍斃王隆福一命十九日焚劫嶺肚市加

瓊山縣志

卷十二

黎

三

令村西邊坡村連日焚劫甘蔗園雷打南蛇腹等村焚宅殺人鷄犬一空而三合會亦乘機而起勾通賊匪開臺放會勒索良民地方恐慌扶老携幼而走哭聲載道行旅斷絕路途不通王建勛李登相黎之清許之修等微服赴郡適值地方紳士王國士為明字順軍鄉導偕黃統制回瓊甫至海口王建勛等即急與磋商弭亂之策國士一面請建勛等先行回鄉收拾人心一面向黃統制請兵方到半途而本地紳耆王國儒王世聰王有鄰王志李登相符瑞王國棟崇王事三等聯集地方壯丁先後攻破三港合口加祿口紅花肚風流加冬朗等處該匪退聚於隔

溪之六客包密頭毛耀田等村出沒無常時復出劫掠三合黎匪擾亂如故國士帶兵到鄉邀集安仁南坤富毅環瑯懷義鍾科西義林灣加祿八圖紳耆王逢辰王國儒鍾文麗蔡嘉麟王廷勛陳文符瑞王國棟陳明標李登相凌世鳳周王啟生等議設八圖鄉團聯結團體守望相助互相救援凡已入三合會者均准入團合為一心團為一體投票王國士為八圖團總團長王國儒李登相為副團長急謀勦撫之計自衛地方十二月十四日該黎復聚大夥賊匪由六客等處越溪劫掠勢甚猖獗團勇探知報信官軍聞知先已逃走回郡國士調八圖團勇數千餘人分三路進勦到西溪

瓊山縣志

卷十二

黎

二十六

等處國儒前率偵探隊百餘人與賊相遇開鎗轟擊斃賊數人賊見團勇敢戰即退却過溪而逃團勇見山勢險惡又有溪隔絕亦不敢過溪追賊遂將各谷口用木石疊塞掘陷放箭近西溪一帶之黎苗亦改邪歸正同心協力與團勇輪流守望自是以後黎匪亦不敢再向瓊屬八圖地方始獲安靖而澄邁之岑崙等處又被該匪蹂躪矣

附平黎議

韓俊奏稿畧曰爲今之計莫若革去土舍崗首立以州縣屯所量撥在外軍民雜處於中爲防引開闢五指山十字道路均通四處往來遍立地方更甲嚴爲法制禁約除軍與餘丁外餘人有持弓矢者就令更甲擒拿赴官問邊遠充軍自然數年之後老者棄弓不持少者忘弓不習武藝自廢禮樂方興雖有官吏生事尅剝亦得如州縣小民隱忍甘受誰敢倡爲亂階今土舍崗首皆仗貨利肥家逢迎府縣聞欲立州縣屯所彼愀然不樂或又妄生異議然以事理觀之必

瓊山縣志

卷十二

黎

一七

如是而後可

賈志

太守謝廷瑞奏稿本府地方黎情甚重以海外絕島州縣衛所等衙門皆沿邊海百里之外爲熟黎熟黎以裏爲生黎心腹之病初以熟黎爲藩籬有土舍崗首以管束之事久玩愒反以黎岐爲利臣嘗詢有識士夫及老成涉歷之人皆謂其地南北約七百餘里東西四百餘里又無城郭之固介冑之堅其實不必集調官軍可以刻期而致也正德四年內前任兵備副使王倬平千家村若反掌只用千餘人但當時獨攻一面故近黎得以聲援相倚又機泄聞風先遁遂不

獲收其全功爲今之計必須乘其未發預行積
穀練兵揀選本地精壯官軍並鄉夫四千餘人
助以一二千土舍黎兵分道並進使彼不暇相
顧一面設計招撫彼善弱者先附則強桀者自
孤勢孤則巢穴可擣魁渠可執也同上

巡道林如楚瓊島圖說昔之畫黎者以征撫爲入

門開十字路爲實地今水會城

卽萬歷二十七年所平居碌居

林沙灣黎之三尚也

撫綏有官守禦有所敷教有塾通商

有市民黎熙熙已隱然州縣規模而又據諸獠
腹心矣東通萬陵西達儋感北出瓊定十字已
丁矣若踰五指而抵崖招村關村招崗關崗山

瓊山縣志

卷十二

黎

三六

澤通氣渾沌自判如解凍之後蟄蟲悉啟戶而

出則全島輿圖豈僅十三州邑已哉

感恩志

吳會期奏議黎居良民五之一宜於兵威削平之

際開通十字大路於其間大約以道里計之自

府至崖千里而遙自儋至萬六百里而遙此四

至之境也細度之自府至沙灣三百里自崖至

羅活三百里俱爲坦途矣其中未開通處不過

四百里耳官軍屬武官領之民兵屬有司領之

土兵屬鄉保長領之通力合作相其谿壑易其

險阻假以數月而瓊崖之路可出黎崗中行矣

儋萬之功則又殺焉四路交達度中建城量地

置堡就堡立屯以攻則取以守則固矣

蕭志

唐胄平黎策云夷獠降而叛者數矣當草薶而禽獮之非絕其根株弗可止也蓋地顯島無援其勢彼高而我下彼內而我外大海之險我與其之桐鄉所謂常與我爲賓主是也故在元彼主而我賓唐宋則彼賓而我主南朝主賓勢敵漢則彼全主而我無賓矣至弘治南蛇之亂殺傷方面流毒連年郡城爲之驚動亦將隱然賓主之勢使不根株絕之安能保其滋蔓不復已然之跡乎故觀歷代征討之師未嘗不屢爲恨蓋完澤統四省新銳之兵當四年倦勞之寇若乘其懈而剪之勢如破竹乃

納間受降而歸此可伐而不伐者也咸通四將深入所向無敵毛伏蓋旣覆蛇賊之巢遺黎已喘息待命一則僅置忠州而還一則恨止於鄉人之舛奏此伐之而不盡也平章至元之師刊石五指黎婺抵千萬年人跡不到之處雖能立學府縣寨然任用土人誘亂終元之世是能盡伐而不能處之也三者之機旣失而不可得日受之患又惡而不可待亦惟體旣往之悔爲今取勝之全而已蓋郡之中黎號爲遐岐者自不爲患常慮熟狡招釁延禍故絕不與黨今當歲熟四五月之間必出我軍戍進而獲彼以嗣至秋大熟亦如之則彼之深潛

內地不熾死於叢菁之中則必延頸於旗鼓之下矣其法自易而及難自外而及內數年之間不惟熟技不能作梗雖遐岐之深恐亦無所逃矣然則何時而可能乎郡之主牧在筦帥筦帥在厚其本以爲吾之不可勝道之主兵在憲節憲節在斷其謀致彼之必可勝然其人必如按攤之威望而兼涂棊之材與志又加之以朱國寶之權且專計資勲以崇其秩積歲月以成其事練軍訓士之精以足兵免京司廉之運以積食又得如黃文廣馬撫機譚汝楫輩爲之偏裨以充任使則大勢已立然後相機隨應勢常則如吾前之所言緩而取之可

也變則乘勢急以取之如韓雍所謂必使盡數剿滅種類不遺陳忠達所謂假神兵數萬可使悉平可也取之緩則其歸也必歸誠如納仲期仲文之降而使之自食其田恐亦無害取之急恐其服也非心服高雷羸田常病於無佃則分而置之如漢徙潯山蠻七千餘口於江夏可也如是則大通朱永嘉之路多立唐咸道之州深移曾臨汀之屯增置吉思之寨分立孫澤之學無爲而不可矣凡此非利古所未有之地而恐爲此也以欲安吾閩郡之民而不得不爲此也非恐於爲而且有不爲之之罪不得不爲而又有爲之之利然則今之豪傑

能爲者亦何願望而不爲之早計也哉

鄭廷鵠上平黎疏

瓊自開郡以來迄今蓋千六百餘年無歲不遭黎賊之害然未有如今日之慘者也蓋其嶠山踞尚其中之州縣反爲之外捍是彼無外寇也食飽棄餘狠捍豕突至虔劉我人民坑陷我官軍是我有內憂也其地彼高而我下彼膏腴而我鹹鹵其勢彼聚而我散彼無有外寇而我有內憂則州縣之兵疲於奔命何日而有息肩安枕之地哉臣生長地方竊嘗訪之故老得之征人聞其出戰之時人挾數矢以一當百無不應弦而倒者矢盡力窮遂竄

身荆棘中獸奔鳥伏故我軍至有臨險歛歛而止爾故前日倡亂不過止強石訟諸賊其勢尚孤今連亘化感恩之寇其黨日熾若進兵非調狼目募打手加十數萬人不可臣聞成功在勇圖揆在謀克捷緩難經畧爲上臣嘗考今昔勦除黎患者見二大舉焉元至元辛卯黎叛十月渡師又明年七月深入黎巢盡空又明年春刻石五指黎婺山而還中間雖二經變故而謀不亂卒以成功可謂捷矣但元夷俗得則棄之猶能奏置屯田府立定安會同二縣至今衣冠文物稱爲名邑此以知其可經畧也又前嘉靖十九年黎叛後軍敗沒請兵討

之明年大渡師徒十二月直破其巢崖州諸崗無處不至未嘗不大捷也但班師太早漏網數多誠有如前奏各官所言者當時識者見賊巢德霞平荷可耕可守擬建州縣招集新民以絕異日之患然一時失議遂爾毀成故黎賊一聞出兵相率歸巢兵散於前賊聚於後謂官勦能捷而不能守故也欲其今日不爲再舉之害其可得乎此以知其不經畧之爲害也故臣不慮成功之不早惟慮圖揆之未周不慮克捷之無日惟慮經畧之無術何也狼臂繼張其技有限蟻封雖密其險可夷徒以激於有司殺人無數遂以肆行無忌爾今文武之

黎

三天下

臣戮力同心一日大軍臨之勢如破竹但願前事要在臨揆後事要在經畧務以前車爲戒庶不貽後日之悔也何謂圖揆三事崖黎地方大勢南出崖州西出感恩而北出昌化北抵凡陽黎岐東通耶溫嶺脚二崗二崗實出萬州陵水之衝地形外險內實坦夷賊若被攻甚急其合二崗以擾我陵水必矣爲計者先分奇兵由陵水以攻二崗彼二崗之賊自救不暇然後大兵直擣崖賊巢穴使其黨渙於東勢分於西莫知端倪自相疑惑而風霆之下悉可擒也此其所當圖揆者一也前奏又云猶惡那燕等已入凡陽搆集岐賊此或有之但恐

其所撫集或卽師溫嶺脚之賊也蓋此賊十九年
陷我軍不數日羅沾賊黨卽傳箭崖州徵納百牛
拖宥賊黨卽傳箭九孤屯亦然其與之構禍通謀
久矣此賊嫁禍黎岐以多方誤我或聲言搗惑以
堅黎岐助逆之心皆未可知此其所當圖者二也
黎賊原無奸細其消息動靜時出於所轄土舍故
百年之禍皆土舍釀成之黎將附籍州縣百計阻
撓有司或失黎心多方煽惑旣成禍變又走渡軍
機若使嚮導我軍遂道迂迴險阻以至陷沒劫放
化時之王道隆前歲之符文龍是也防杜之術不
可不謹又發軍興制所貴不擾而首攻之數不可

預定此則用兵之事所當圖揆者三也何謂經畧
三事一曰一勞永逸之計夫黎人與賊共此土也
數年一反數年一征雖往往克捷所傷多矣天地
之心並生膏豈若馴以觸籠置之莊獄易介鱗而
爲衣冠是誠有望於今神武之代也獻誠之後愿
招集新民定以約束因其勢而利導之多興學宮
禁挾弓矢使不得復爲狼豕之慾則堯舜之世尚
復有黎哉尚復有反且征者哉若徒得而棄之不
復經畧如前歲所爲反滋今日之禍則興兵動畧
終無寧息真大鑿也二曰破乃啟土之功臣按崖
州輿地本自數百里也東西一百五十里有隋延

德縣址東南一百二十里有唐臨川縣址東五十
里有唐鎮屯縣址西一百里有漢宗羅縣址威恩
東北七十里有宋鎮州址原附郭有鎮寧縣址今
俱在賊中所當恢復者也況又有德霞之膏腴千
家羅活之饒足招集之後愿建州縣因以屯田且
耕且守廬其居而東西其畝又由羅活磨漸開路
以達安定自德霞沿溪水下而達於昌化道路四
達屋廬相望井里既定豈不爲國家增括輿地哉
三曰久任責成之道漢建武十七年馬援旣平嶺
南所至卽置城郭興水利條建封溪諸縣又申明
漢律傳爲馬將軍故事至三十年秋始還非貴緩

定之術乎愿乘此餘威震懾山谷建黎將府於德
霞聯絡州縣亦如馬援故事泊城郭興水利條奏
便宜事務以鎮安人心其新附之民尚有異志者
設法遷徙之或於海北地方屯田或於附近衛所
入伍如漢徙潯山蠻七千餘口於江夏以永絕禍
本徐求仁明之長慈惠之師奏留久任以終其事
其庶幾乎瓊人萬世瞻仰在此一舉臣待罪諫垣
以言爲職知而不言罪也况臣切鄉土聞見俱真
言而不詳亦罪也故致干冒天威伏望勅下二部
再加詳議此皆撫綏者之所當深長思也故詳錄
之然黎尚中盤州邑外列民雜蠻瑶之異夷分生

熟之殊其情狀當諳訪而周知也新增

海瑞平黎疏云奏爲區處兵後地方以絕後患圖久安事臣竊見瓊州一府顓顓獨居海中其地綿亘一千餘里黎岐中盤州縣濱海環於外譬之人黎岐心腹州縣四肢黎岐爲寇是心腹之疾也心腹之疾不除將必浸淫四潰而爲四肢之患州縣無久安之理古堯聖王之治遠方寇亂征討去不窮追蓋施之要荒之外與中國有所限隔之地若瓊則內之黎岐與外州縣百姓雞犬相聞魚鹽米貨相通其間雖多峻嶺叢林彼之出入來往自有坦夷道路自國初至今日

瓊山縣志

卷十二

黎

五

除戍守軍民兵截殺并整飭兵備道督兵鵬勦不計外兩廣巡撫都御史上請宏治十四年征儋州昌化縣黎嘉靖二十年征陵水縣崖州黎嘉靖二十九年征感恩縣崖州黎凡三大舉矣每舉調兩廣官兵十餘萬費銀數十萬兩前後屯兵防守騷害居民或三年或四年後止然竟不能使黎寇誓服迄今劫村殺人無歲月無有臣生長於瓊飮聞黎患痛瓊民歲月罹害虛費陛下兵糧迄無一臣爲地方長久計以紓陛下南顧之憂者請爲陛下言之夫瓊地瓊山縣處其北崖州處其南萬州處其東昌化縣處其西

自瓊山縣轉西歷澄邁縣臨高縣儋州昌化縣
感恩縣至崖州計程一千一百里自崖州轉東
歷陵水縣萬州樂會縣會同縣文昌縣復之瓊
山縣計程九百四十里是瓊州府自南徂北自
東徂西以圍三徑一計之大約七百里程也臣
嘗博訪附黎居慣行黎村人民近日大征踏路
官兵皆稱自崖州羅活崗抵瓊山縣大坡頭營
三日可至是黎岐盤踞地不過方四百里而已
區區方四百里地自國初以至今日殘害國家
赤子若此之毒而無已調用國家官兵若此之
衆費用國家錢糧若此之多兩廣有巡撫都御

瓊山縣志

卷十二

黎

三

史總其權瓊州有兵備副使專其事嘉靖十九
年以來又有守備參將之設迄不能一施剿撫
安輯吾民何故武臣憚難畏寇文臣養望待遷
圖目前苟安不爲地方永久謀慮黎小寇害則
隱匿不申黎大寇害調兵又苟且奏功姑以應
事塞責瓊郡誌書歷載識者開道立邑之議又
載宏治十四年大征議及此而未行爲深憾彼
非不明知之也而莫或行焉間有志立功業者
亦慮事掣肘難行邀功起釁之說禍隨可懼欲
舉而止無一人竭材力盡忠實心爲久遠計爲
陛下擔當事者黎寇稔知其習竊卑笑之是以

大兵一退卽旋轉耕其田處其地數年生長積聚仍前爲州縣寇害不少衰止若使兵威震疊不日此亦可以奏功蒙顯賞擢從而計久長開通十字道路設縣所城池中峙參將府兵備道則立犄角之形成蠶食之勢矣日摩月化今日寧復有黎乎夫得黎無益於地方處黎或周於計畫謂不足州縣置之可也黎人居處皆寬廣峒場耕作皆膏腴田地非得地不可耕而食文昌縣斬脚崗等黎瓊山縣南岐崗等黎今悉輸賦聽役與吾治地百姓無異儋州七坊崗今亦習書句能正話以此例之非得人不可畜而使

瓊山縣志

卷十二

黎

三

黎固方四百里地也凡我兵征討無一次不擣巢穴無一次不收成功故臣嘗以爲宏治十四年開道立縣可無嘉靖二十年大征嘉靖二十四年開道立縣可無二十九年大征大征後開道立縣可無俟歲歲鵬勦年年守戍諉之曰地土險惡勞師無功藉口聖王不治遠人之說者皆庸人苟祿偷安不肯身爲地方當事託詞也往不可諫矣今距大征僅三歲兵威之震懾於黎人尙存遺黎之生聚猶寡開道立縣今日可及爲也不然數年後必一大變一大變必用兵十餘萬必費銀數十萬兩必殘破地方必毒痛赤

子功虧一簣坐失事機陛下將奚取哉臣雖未嘗手操弓刀地方變故區處事宜則習聞知矣倘得專任其事馳驅兵革之間俾黎土盡爲治地黎岐變動盡爲良民臣亦能之事如不效請甘服上刑以謝欺罔虛費兵糧之罪第臣平昔濡染翰墨之人一旦言及軍旅似可駭聽夫瓊固有兵備副使之設矣於此不爲是謂虛位伏乞陛下明敕羣臣中知識事機力可大任不貪富貴志在立功者以之充兵備副使以專治黎之任瓊去京師萬里當事請裁或致遲悞設縣立所限其大槩乘機審勢聽其便宜凡一切招

黎

三

瓊山縣志

卷十二

民置軍設里建學遷劄縣所屯田巡司驛遞諸事宜許撫按臣等從中節制年年借用許其調廣西土兵廣東漢達官軍打手約四千人值變故許其調用約萬人量撥一次大征銀糧之費以充其費陛下三年考其成立之功七年稽其變化之效必得專任之柄寬其行事而又功少不完不遷其官事少不效必重其罪欲不盡心力而爲之不可得也永絕禍根遺安萬代省國家無已之費紓陛下拊髀之憂可計日見矣經畧瓊州計無有過於此者諸臣無有一爲陛下言之者一爲陛下任之臣每痛焉伏惟皇上採納

臣言勅兵部咨行兩廣撫鎮衙門會同巡按守
巡各官從長計處則地方幸甚生靈幸甚

阮通志

海瑞上兵部條議七事一黎岐所居之地雖有高
山峻嶺其中多平衍尚場膏腴田地可闢之以
立縣所者甚多今據大征剿後皆人所常行共
見者則崖州羅活抱由村感思古鎮州陵水郎
温尚瓊山大坡頭營儋州七坊尚凡立縣遷縣
必先置所移屯其不必立所者亦宜撥軍兵數
百名防守俟黎平後議撤其凡揚磨贊二村之
間乃東西南北之中可立一大縣遷海南衛並
兵備道參將府於中使東西南北皆可以控制

瓊山縣志

卷十二

黎

三

黎岐且與新立縣所爲虎豹在山之勢

賈志

一感思土瘠民苦耕作亦非要害可遷於古鎮
州會同澄邁二縣亦非要害似可遷於附近黎
尚

一各州縣巡檢司非要害者皆遷於新立所近
地或衝要里社以爲關防

一海南衛十一所屯田正以防禦寇也今其地
附近之黎登版籍爲良民久矣屯軍一無所爲
可撥其田爲民田遷餘軍別營屯田於黎尚中
一崖州昌化二所在州縣中其旁州縣居民熟
弓矢常時皆能自禦海寇無俟於本所官軍今

若遷崖州所於羅活尚則去崖州止一百里遷
昌化所於古鎮州則去縣止七十里內可以制
黎岐外亦可以禦海寇

一黎人獷悍不肯歸化者爲距州縣遠向化無
由并爲奸人所阻隔者亦多今若區處羣黎當
先其易而後其難既得其易輒立縣所則難者
欲爲亂而無羽翼我勢既壯則彼當向化矣

一黎岐歸化當編其尚首村首爲里長所屬之
黎爲甲首出入不許仍持弓矢原耕田地聽從
其便其山林可開墾者并絕黎田地宜招方外
無業民耕作結爲里社與黎岐錯居俱同上

瓊山縣志

卷十二

黎

三

海忠介平黎圖說

圖佚

云黎獠之性不常今雖帖然

無事而動卽生難者去州縣遠而不霑治化也
東西南北之路不通州縣不立則嵐瘴終於鬱
結雖名山大川與生人均歸淪棄彼舍幽戴髮
何由見天日乎故今日莫急於開道路蓋十字
之道昔人籌之審矣未有能設誠致行者如欲
行之則必按圖而計其道之遠近問其間已闢
未闢之多寡與夫人力之何以用與夫費用之
簡與繁與夫工力之何以起何以成夫借力於
客兵借費於異郡將動衆數千經費數萬積數
十年爲之不可得也黎人不善抗而善猜未發

端而令之猜疑或因以生亂亦數十年爲之不可得也計莫若善馭土舍酌用黎兵夫生黎渾沌未剖刀耕火種原無他覲而動之靜之者惟熟黎所謂彼其言語相習技力相當性情相合用能致其死命爲所得爲而不之疑是故謀不可不先定也爵賞不可不懸也法令不可不必也請擇於四方會中有智能爲村崗所信服者招之以爵賞示之以信義寄之以心腹而後責之以成功故熟黎與生黎輔車相倚原無利於闢道立縣要以爵賞懸於前利害迫於後堂堂三尺敢有擅違且必令開說誠信使生岐知官

瓊山縣志

卷十二

黎

三五

原無他意一有歡諾若雖分外魚鹽無不可招每四面開來東西橫之南北橫之要於中央相接自南吉而南徙新招之草提等岐以達磨羊磨贊宜抵崖之凡陽以斷五指左臂崎嶇之處不過二百里由儋之青寧營以達峩茶等崗以合草提磨菜宜抵萬倉以過萬之長沙營以斷五指右臂中間坎若之處亦不過三百里然據林兵憲圖記稱十字巳丁則東西北之路旣已無梗而南之一道可無慮也須令各處土酋各編本處土兵輸兵出力每人口不過數日日各有糧各依畧指授每日一道可用五千人險夷

相準日可濶二里每道用官兵一百五十八分
大小營開進五十里卽下一子營兵五十名防
守進至百里置一總營兵一百名防守又進五
十里下一子營而移前子營之兵以守又進一
百里置一總營而移前總營之兵以守謂之連
珠營又須令四方營道相通可使倉卒援應黎
兵出衆力以開先官兵養全力以守後總計四
面日用二百人人日支給二分總計四面日費
四兩一年可費一千數百兩而已成績矣不愈
於師行數萬日費千金耶然後於四方之中立
一大縣并移參將府於中間其撥補錢糧可隨

瓊山縣志

卷十二

黎

三六

時暫從區處仍急立寨學延師訓導各營及各
處村崗皆立社學訓誨其客兵外民有願徙居
使雜處之久當漸染言語文字責以換黎服而
衣冠每崗各立保長里甲編入戶口各食本田
使供賦當差不數年間皆良民矣山澤通氣文
明自現行之而效又安見太平之福不坐享於

朝廷哉

忠介文集

忠介自識云此區處黎岐大畧也若審勢相地潤
澤在人則又不能盡一一如圖說者中間用參
將俞虛江處黎圖說語蓋虛江守備瓊崖日久
熟於黎事其語不可易也虛江謂誌書元人平

黎之後割瓊山之南樂會之北添絕黎田土增立會同定安二縣今之抱顯獨不可以立縣乎此尤足以破庸人謂不可惹禍之謬又圖說中里數此就廣東鋪遞言之也近行北方多次屢問北人大約北方每三十里止可有廣東二十里若如北方則瓊州府又不止三千里矣同上黎將黎國耀條議二事一議撫剿夫瓊崖環海悉爲編民惟黎岐獨屹然中處蠢茲醜虜非有堅甲利兵可與中國抗衡顧往往激於讐怨勾以流徒潛伏山林時出剽掠且種類繁多此服彼叛兵至竄匿無踪師旋糾聚如故誠如禽獸安

瓊山縣志

卷十二

黎

三七

知信義不重擊之其禍難厭第當分別淑慝毋令相煽而起又其地羊腸鳥道未易遽入瘴氣毒水觸之輒病惟當於稔惡不悛者擇一二崗簡率師徒堂堂而進除道緩行安營休養創置火器以爲前鋒彼必不敢逆自當引避逃匿我師旣入傾其巢穴焚其積聚結營爲久屯計彼進不敢退無所掠將見斃於荒谷之間仍遣士舍遍諭諸崗不得以窩容取罪務使醜類殘滅殆盡則各崗且望風震栗受事恐後謂非戮一崗以爲千萬崗懼耶蕭志一編保甲瓊州等縣原設有牌門鄉盟兵擇其

豪者爲鄉勇哨官或保長以領之村落大至百餘人小亦不下數十一聞警息卽聽有司調集協同營兵防禦以故寇多不敢犯近因宦家買置庄田名曰宦庄一切佃丁鄉盟人等概獲優免既有警叫調不應甚者又有豪奴悍佃窩匿逃亡奸盜莫可究詰而各宦庄亦瓜分勢寡不能自衛遂至束手無措頃者定安光螺嶺上下之事可鑒已夫前事不忘後事之師也今督撫令撫黎官親履各地方核其戶口稽其生業無論勢宦一概佃丁廝役鄉鄰盡籍其壯者爲兵其中有行能者僉爲鄉勇哨官次爲保長分領

瓊山縣志

卷十二

黎

三

其衆除農隙講武外無事不許輒行差遣遇有黎岐出沒集衆防守悉聽有司營官調發敢有仍前抗違閃避者究治庶家自爲守人自爲戰而地方可保無虞矣同上

參將俞大猷圖說黎岐居三州十縣之中與吾治地百姓魚鹽米貨相通雞鳴犬吠相聞出劫鄉村最爲便易我兵旣集千谿萬徑皆可以適其巢穴無一次不收其成功卽今經戮村分其遺類不甚多以其遺地移吾兵民雜居之則其子孫耳濡目染乎吾民之言語習尙皆可化爲百姓矣惜乎自古以來皆上首功於賊勢方張之

時而不能駕馭於摧敗之後能捐大征之財數十萬於賊未平之先而靳經畧之財數萬於善後之際彼其長養積聚之久復如前日之盛一有所激復聚爲亂仍動大兵以剿費用之多殺戮之慘元氣之傷亦其勢之所必至耳本職歷遍各崗備覽形勢撫諭各黎熟察其情果見近今經剿地方於羅活崗宜立參將府遷崖州千戶所於其內抱顯村宜增設一縣古鎮州宜立屯所各有絕黎田地可酬剿平之功仍各築城穿池以垂永久之規又各不經剿黎崗合先區處以杜後日之患如儋州之摧抱村宜遷鎮南

巡檢司又撥儋州千戶所官一員軍一百名陵水之嶺脚崗宜遷藤橋之巡檢司又撥南山千戶所官一員軍一百名瓊山之沙灣宜新設一巡檢司及撥海南衛官一員軍一百名各協鎮之以俾其將來之變仍各築城穿池以爲他日立州縣之基又各城池之中俱蓋參將衙門以便周流巡視若夫道路宜通者則南北取直徑過遷設驛遞以便官民往來又羅活城宜暫圍打手五百名摧抱嶺脚沙灣城宜暫圍打手二百名各於鎮壓之中寓招徠變化之術間有梗化不馴之徒相機設計去一二村以警其餘五

年之後事宜已定漸次制其土舍行令更爲里長該管黎人就編屬之以爲甲首納糧之外不得再加差役其各州縣印官務將管下黎人嚴禁童女不得如前涅面紋身男人務着衣衫不得如前赤身露腿其首各要加帽不得如前簪髻倒顛各村黎童之幼小者設社學以教之使其能言識字每一年之間守巡官查考各州縣官變化各熟黎幾村招撫過生黎爲熟者幾村具呈撫按衙門以爲殿最如此經畧漸次舉行熟黎旣不得倚生黎以爲禍土舍亦不得假熟黎以生奸不數年間皆登州縣之版籍矣

賈志

瓊山縣志

卷十二

黎

四

楊理上盧兵備書畧曰蠢黎分有二種土舍尙首所管半生不熟常川出沒者爲黎五指之中歷代不化者爲岐黎所懼者岐也其五指生岐疆界由瓊至崖不過三百餘里自儋達萬不過二日餘程中間可立衙門候彼三八月饑荒之時或五十月禾熟之際分兵四面開示信義若彼聽從乘此開路有一二村尙不服撫者據其收成妨其耕種彼獠之性最怕火器乘虛遣人抵尙放火四面礮響彼必喪膽黎岐見腹背受敵敢不望風歸降破竹之勢迎刃而解矣但在慎機弗泄蓋彼皆藉土舍爲之探聽事情消息有

事官司未舉而黎崗先知而土舍崗首探報尤切更當嚴制舍此之外惟錢糧軍馬二事在加之意而已

志

楊理上歐陽郡守四事畧曰一申明奸弊事各崗首土舍竊欲據黎爲利本崗首乘盛飽饜其慾受害者積恨異已者互相侵伐讐殺而禍害相尋於地方惟是清察奸黨不許藪穴爲奸借黎爲亂勾黎激變斯得之矣

一嚴禁仇殺事黎性之忍當問其由其間有父兄繼世結怨報仇者有受害被陷未伸者有恃強凌弱有父兄有隙因而弟姪侵奪者有土人軟

瓊山縣志

卷十二

黎

聖

弱反致欺凌者有土人剝削而激其仇害者今合並行查土舍崗首伊父祖所招黎人村崗至今有服管者若干背拗不服者若干某人地方抵於何處交界某村崗原係服管無役生黎某村崗原係歷代歸化黎岐各令時常帶領出官如有冤枉卽爲伸理如有混包霸佔他人村崗詭避差役者改正無令羣奸欺誑又多乘州縣守令交代之際賄囑民圖影射者又有一種新村爲狡猾所住村崗已爲都圖却報良民庄佃作黎爲害官司不知其意准給符帖以申其奸二者皆老奸巨猾削奪州縣不可之太者尤宜

查明痛革造冊在官永爲定規則仇殺之禍銷而抑屈之患永絕矣

一開通道路事自洪武庚戌永嘉侯朱亮祖王子指揮張庸乙卯百戶李貴相繼興舉或方計定而他事掣肘或已加工而失處壞事故至戊午指揮蔡玉建暫停之議後各上司雖傳述不忘而終不能舉者蓋因既不深知地利又被奸讒蒙蔽有云山勢險阻嵐瘴可畏有云黎人梗化有云地高難耕有云動衆勞民出此言者不過避勞取逸且思以山勢險阻則元帥曾抵其處什物輜裝通行無礙近年太守浮梁張公亦深

瓊山縣志

卷十二

黎

聖

通陽春崗其崗在五指山下東南爲郡之中黎居以千計自不至惡南有浦他香根竹茂竹擁皆係反黎西南有萬家羅活磨岸磨鬼等村東有思河等崗東南有縱橫斬充等崗北去定安東南出萬州陵水西北至儋州程計六日惟西至昌化中阻大溪須浮筏乃濟聞之始通之人入自思河僅六日前半路頗崎嶇後愈入愈衍岐黎欽奉情極卑謹其旁呼爲百姓崗者乃天順間郡賊餘黨潛住生息甚繁話皆東語比岐猶勤耕作由此觀之則無險阻可知矣以爲嵐瘴可畏則久逃軍民老引客商在內娶妻生子

舉皆無恙以爲獠性硬化則何求元生黎累見
欵降而陽春主尚今何輸服以爲其地不毛則
所耕何皆膏腴以爲勤勞是雖不免然勞於一
時而實利於永久所謂一勞永逸是也

一增添國制事孟子稱明君制民之產必使仰事
俯育皆足然後驅而之善至謂言也今見本府
文昌等縣失業良民實難度日是有入而無可
耕之田又見本衛十一所屯軍多懶惰不務農
爲強竊禍害鄉村是有田而無肯耕之人俱爲
失處從今凡遇征剿之後黎旣死散卽招前項
文昌等民列村居住分耕其田十一所之屯隨

瓊山縣志

卷十二

黎

聖

近撥還州縣給民耕種照民苗起科而移軍入
屯於此凡有一征必此一舉且隨其所近處之
數征之後則通郡皆有處矣如此則窮民無流
離之苦強軍無侵盜之害併軍民叢聚之勢可
以禦侵內之黎陶衣服倫理之久可以變化外
之俗所謂立州立縣置學置師皆不勞而定矣
參將何斌臣征黎善後條議畧曰由間道而出奇
兵審地利以據險要用熟黎以行間諜易器械
以便攻剿禁魚鹽以困諸黎備飲食以防瘴毒
慎偵探以行誘敵招亡命以絕敵資輸接濟以
足軍精慰順黎以寓招撫秘機謀以明暗號相

機宜以乘時勢懸賞格以倡勇敢調狼兵以衝險阻

郡守賈棠議云查瓊州素無山賊出沒止有黎人爲患細閱瓊志平黎議黎諸論議雖云黎性難馴實皆奸徒唆煽勾引有以致之前代王璉之亂因兵備道龔錫爵誤聽招撫以致受欺近歲王振邦作亂撫黎同知何斌復主招撫受其愚弄皆彰明較著者蓋黎人蠢爾無知其爲亂也皆由奸徒煽惑彼利於黎人爲亂得以從中攪利方其蠢動之時赴官方任招撫圖騙委牌公然出入黎崗無復顧忌反將官兵情勢進剿機

瓊山縣志

卷十二

黎

四

宜告之黎人更教以拒敵之策導以搶掠之方官府倚爲心腹賞給銀錢黎人恃爲細作酬贈財物甚且捏寫黎人冤狀開列某官騷擾某役需索有實跡者得賄而削名有讐隙者羅織而入款官府恐黎人之擾亂奸徒利黎人之狂逞及至亂萌又惟恐就撫之速無以取利多方設法阻隔迨日久猖獗終必剿戮而後得平此輩之陰陽反覆煽惑長奸真有不可名狀者從來安黎無善策惟有平日無事則嚴其盤詰禁其騷擾一旦有變則朝發夕剿無使滋蔓隨剿隨撫誅彼元兇宥其餘黨恩威並施平定易如反

口港入海由此而西則有簾橋水出崖州椰瑤榔
根等峒至赤嶺港入海再西曰多銀水出崖州三
亞汎北至榆林港入海瓊州口岸深通泊船善地
以此爲第一再西曰寧遠水出崖州抱羅等黎峒
至州城南保平港入海此河年久淤塞頻年沖決
附郭一帶被害頗劇亟應濬治再西曰抱嶺水出
崖州樂安司至九所市入海由此而北曰南龍江
出感恩縣陀倫山至大南港入海再北曰昌江出
五指山紅毛等峒經定安之凡陽感恩之古鎮州
至昌化縣英潮港入海此水源流甚長巨石林立
民資水利舟楫難通由此而東曰倫江出儋州那

大市至新英港入海再東曰臨江出臨高縣背腰
嶺經和舍至博鋪港入海統計全瓊水道之大者
約一十有三其餘溪澗支河尚難悉數職道等遠
籌合計因地制宜此時治水要務約有數端一則
多開溝洫分引溪流量設陂塘閘壩爲招墾屯田
之計一則河底怪石約略剷平多爲磴級由漸而
下爲運送材木之計一則疏通積水流其穢惡使
民不病涉得免腫腿爲消除瘴厲之計一則挑挖
故道銷殺水勢量築隄埂保衛田廬爲拯溺澹災
之計一則建橋梁廣設橋渡俾道途通暢不至茅
塞爲開闢黎疆之計一則濬治河流挖刷淤阻窄

者加寬淺者使深爲通行船筏之計若夫治施工之際尚有因類而及之數事亦當同時並舉以盡水利設逆旅便棲止一也造舟艦載人貨二也置水碓造竹織三也察水泉鑿池沼四也以上十事約須銀數萬兩方敷展布然考瓊屬黎患或十餘年而一征或數年而一征所糜帑餉何啻十倍百倍現在事經創始羣情之疑不以爲愚公之移山卽以爲道旁之築舍然而職道等賦居深念其勢實不容已不敢因忤俗違時稍存膜視擬請憲臺籌發經費銀三萬兩先行舉辦如蒙俯允候款項發到之日迅卽遴委熟習水道之員周歷查勘相

度繪成圖本核明熟爲總綱孰爲餘事酌分次第先後舉行所有職道等擬議疏濬水道講求溝洫橋渡設旅舍四增添陂塘開壩造船設筏等事請發經費緣由理合具稟察核批示

稟督憲

竊查古今言治瓊者莫不以開通五指山增設州縣營屯於山內使生熟諸黎易於向化盡入版圖爲善策而自明迄今數百年來人人能言之而卒無人能爲之非謀之不臧任事之不力也山中瘴氣甚厲入者非死卽病無能爲役也今當用兵之後山中道路已節節開通籌辦鎮撫設局開屯招

農興商墾荒伐木開鑛在在需人入山而瘴氣足
以致人於死若不先籌弭瘴之法縱不惜財力
勉經營而入山者非死必病久必無人敢復深入
必將束手坐視太息痛恨於前功之盡棄而無可
如何蓋地極炎熱而海風甚寒山中多雨多霧林
木陰翳燥溼之氣鬱而不能達蒸而爲雲停而在
水莫不有毒入山者身受炎熱氣喘汗出陽發於
外腠理不密風之寒者侵入肌竅氣之濁者吸入
口鼻水之毒者灌於胸腹腸胃肺腑其不病而死
者幾希矣職道數月以來詳詢官弁兵勇及紳民
之曾經入山者皆言山中風寒裹巾於首加衣於

身尚可禦寒氣雖甚濁亦可以煙火熏之使散惟
水飲食所必需不可一日無入山而飲水中毒必
死卽不以一滴沾唇疾馳出入而忍渴既久中熱
火灼亦必致病十死六七是瘴之害人者惟水猶
烈也查西洋人用機器開井口不甚寬而深入地
中數十百丈不等層層障以鐵圈使地面穢濁之
水不得從旁侵入而地底甘潔之水自下湧出日
夜不竭不但一井能供數萬人之飲兼可引以溉
田近年日本開墾各荒島師倣其法大得其利瓊
州山中若以此法開井使入山者人人飲之而無
病則瘴氣之大害可以漸冀消弭而善後諸事宜

亦可次第舉行夫山中地多膏腴林多材木又有五金之礦以利誘之似亦民所欣羨而樂從者然人莫不趨利而避害樂生而惡死入山受瘴之害死者多生者少雖有大利誰樂趨之況興辦之初利尚未見而害之足以致死者極可畏哉職道統轄全瓊責無旁貸再四籌商欲開山撫黎爲善後計必先籌弭瘴氣欲籌弭瘴氣必以鑿井濬泉爲先務以中國尋常之法爲之鑿井不深地面穢濁之水仍能侵入稍久仍不可飲徒勞而罔益必須倣西法開深井使甘潔之泉隨地湧出乃可以濟民之生俾煙瘴極重之區變而爲安樂之土伏乞

憲臺電詢出使日本大臣查明此項機器需價值若干每開一井需工料若干又聞省中有候補縣丞張煥斗者頗知鑿井之法或就近傳詢當亦可得其大概如所費不至甚鉅購此機器隨地鑿井濬得甘泉不但目前人樂入山已開之路可隨時修理不致復爲茅塞墾荒伐木開礦諸事可以舉行爲瓊人莫大之幸將來山中土闢人衆永無瘴氣可以增設州縣營屯鎮撫生熟諸黎使隸版籍爲編氓永無他變亦國家無窮之利也職道管見所及謹此稟陳

鄭藻上袁制軍籌議馭黎置縣草案竊維宅中圖治

古聖宏規王者無外邦隆威軌瓊島自漢置珠崖
儋耳二郡始內屬國朝因明制設瓊州府領三州
十縣環列海澨周遭千餘里瓊州之中爲黎山羣
黎窟宅其中黎分生熟二種生黎居深山性獷悍
足跡罕履民地熟黎與民近漸與民習時或與民
仇則引生黎以爲援然亦有生黎漸爲熟黎熟黎
漸爲齊民者蓋習而與之俱化耳但以各州縣治
畏於瘴癘之故亘古以來環海而民罕有移治於
腹地者以故民黎恒存種族之見仇殺相尋其去
官治之地益遠教化所不能及訟獄所不能施有
所必然也海忠介有言黎崗地方僅有三四里誠

能伐山開道立州縣以治之移二市以守之不過
數年可使盡入版籍化爲編民忠介郡人其所見
甚確故其所論亦甚當也查瓊崖二屬於光緒三
十一年前督憲岑奏准分治其時有見於南北睽
隔苦無稟承是以萬陵昌感四縣隸於崖州而歸
瓊崖道考核所以專責任而重事權法誠美善惟
崖州去郡陸行需十日程較萬陵昌感四縣猶遠
瓊崖電報久已裁撤公文批牘由州轉行往返周
折動需時日此又爲地勢之所限亦有無可如何
者溯光緒十三年會議開修十字路以達郡縣惜
工未竟而旋罷而已開之路亦因復廢至今募募

叢生人跡罕至夫瘴癘之生由於山林未闢草木
之氣挾暑溼蒸鬱而成若使山川疏暢險阻悉平
風物自歸清淑微以全島沿海一帶諸瘴少作其
效可大驗矣今爲治瓊之策誠宜師海忠介遺法
先將一二州縣重移內地居中控馭以通民黎查
澄邁一縣城本建於海濱光緒十一年移於澄邁
司駐於金江市已入內地六十餘里二十餘年以
來官民均以爲安職道周察全島情勢其北路似
宜再以定安一縣移入該縣之太平司其南路似
宜再以陵水一縣移入該縣之寶停司定安縣城
去太平司百里陵水縣城去寶停司六十里移縣

之後卽以太平司駐定安舊城寶停司駐陵水舊
城一轉移間脈絡貫通首尾交應惟太平寶停二
處舊傳均有烟瘴不知設縣以後戶口繁盛瘴癘
自除況其中多寬廣崗場膏腴田地官治旣近較
易經營稽之郡志定安會同二縣卽元人平黎之
後以絕黎田土增立其初亦非瘴鄉明臣條議黎
事咸以開道遷縣爲言誠以一通字爲治瓊之要
策也今以定安陵水兩縣移入內地而接壤之瓊
山樂會萬縣崖州各黎崗均能聯絡控制聲息相
通從而教養兼施民黎胥化治瓊政策似無有愈
於此者或以目下庫帑支絀地方貧瘠置縣建城

需款必鉅急切未能舉辦似宜於太平寶停二處
暫設行署由該二縣酌定時期前往分駐指置一
切將來稍能就緒卽行議遷又或不然則亦宜援
照廣海縣丞成案改太平寶停二司爲二縣縣丞
以理民黎而爲分治三者皆法明臣通字主義近
今歐人殖民羣島莫不以狃獠險阻之域一變而
爲商賈輻輳之場古者篳路藍縷以啟山林似未
可以烟瘴之地而任其鬱鬱終古也要之瓊島內
屏兩粵外控南洋隱然爲海疆重鎮若不及早籌
謀覬覦之人或將染指誠能官紳合力上下一心
調燮民黎振興實業固圉之圖未始不賴於此所

有籌議遷置事宜按照諮議局章程第二十一條
第一款係本省興革事件茲當常年會開議之期
應否提議之處恭候察奪施行
以上俱新增